



Broj: 01-49-80/17-3  
Datum: 21.2.2017. godine

Na osnovu člana 69. stav 2. tačka a. i članom 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), načelnik Općine Travnik, **d o n o s i**

## R J E Š E N J E

### O izboru najpovoljnijeg ponuđača u postupku dodjele ugovora iz Aneksa II dio B Zakona

#### Član 1.

Ugovor za javnu nabavku usluga: "Usluge javnog informisanja za potrebe općine Travnik u 2017. godini putem radija i televizije" sa podjelom na dva lota, dodjeljuje se:

- Za LOT I - Informativne usluge putem radio emitera u tekućoj 2017. godini ponuđaču "TNT" d.o.o. Travnik u iznosu od 10.998,00 KM sa uračunatim PDV-om
- Za LOT II - Usluge kreiranja i objave priloga o aktuelnostima vezanim za rad općinske administracije i značajnim događajima u općini Travnik ponuđaču "Kanal 6" d.o.o. Travnik u iznosu od 22.990,50 KM sa uračunatim PDV-om

#### Član 2.

Za izvršenje ovog Rješenja zadužuje se Služba za opću upravu i BIZ.

#### Član 3.

Ovo Rješenje objavit će se na web-stranici Općine Travnik: [www.opcinatravnik.com.ba](http://www.opcinatravnik.com.ba), shodno članu 70. stav 6. Zakona o javnim nabavkama i to istovremeno s upućivanjem Rješenja ponuđačima koji su učestvovali u postupku nabavke.

## O b r a z l o Ź e n j e

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu s članom 8. Zakona o javnim nabavkama („Službeni glasnik BiH“ broj 39/14), te je u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“ broj 66/16), uputio pismeni poziv za dostavu ponuda za nabavku usluga "Usluge javnog informisanja za potrebe općine Travnik u 2017. godini putem radija i televizije".

Ugovorni organ je objavio poziv za dostavu ponuda na svojoj web stranici dana 27.1.2017. godine, te isti poziv uputio na šest adresa. Na osnovu poziva svoju ponudu su, do roka traženog u pozivu za dostavljanje ponuda, dostavila dva ponuđača i to:

- Za LOT I: "TNT" d.o.o. Travnik sa ukupnom ponuđenom cijenom od 10.998,00 KM sa uračunatim PDV-om, i

- Za LOT II: „Kanal 6“ d.o.o. Travnik sa ukupnom ponuđenom cijenom od 22.990,50 KM sa uračunatim PDV-om

Kriterij za dodjelu ugovora je „najniža cijena“ a procijenjena vrijednost javne nabavke je 29.059,83 KM bez uračunatog PDV-a, odnosno za LOT I – 9.401,71 KM bez uračunatog PDV-a i za LOT II 19.658,12 KM bez uračunatog PDV-a.

Nakon pregleda dostavljenih ponuda, Komisija za javne nabavke je konstatovala da je priložena sva tražena dokumentacija, te je dana 20.2.2017. godine općinskom načelniku dostavila Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-49-80/17-2, sa preporukom da se predmetna javna nabavka okonča dodjelom ugovora.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama Bosne i Hercegovine, načelnik Općine prihvatio je preporuku Komisije i odlučio kao u dispozitivu ovog Rješenja.

#### POUKA O PRAVNOM LIJEKU:

Protiv ovog Rješenja može se izjaviti žalba u roku od 10 dana od dana objave dobrovoljnog ex ante obavještenja o transparentnosti. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

#### DOSTAVITI:

1. Ponuđaču x 1
2. Arhiva.



**N A Č E L N I K**

**Admir Hadžiemrić, dipl. ecc.**